

SELASA • 20.03.2018

TIMUR

PEA iktiraf kejayaan usahawan politeknik

Oleh RADHUAN HUSSAIN
pengarang@utusan.com.my

■ KUALA TERENGGANU 19 MAC

ANUGERAH Keusahawanan Politeknik Malaysia (PEA) 2017 yang berlangsung di sini malam tadi memberi pengiktirafan kepada usahawan politeknik cemerlang mengikut enam kategori yang dipertandingkan.

Majlis berprestij di Hotel Primula itu merupakan sebahagian daripada usaha menyuburkan semangat semua warga Politeknik Malaysia bagi terus memacu kecemerlangan institusi itu dalam bidang keusahawanan dan membudayakannya dalam masyarakat.

Anugerah Unit Keusahawanan Terbaik yang merupakan kemuncak penganugerahan dimenangi oleh Politeknik Seberang Perai yang sekali gus membawa pulang hadiah wang tunai RM10,000.

Diketuai tenaga pengajarnya, Suliza Othman bersama dua pelajar, Mohamad Najmi Mohamad Zaidi, 21, dan Mohd. Afiq Mohd. Zaidi, politeknik itu meraih kejayaan berdasarkan kreativiti mereka menghasilkan perabot bermutu tinggi berasaskan kayu pelet.

Mohd. Lokman Hakim Abu Bakar dari Politeknik Metro Johor Bahru pula menerima Anugerah Keusahawanan Pelajar Terbaik, diikuti Mohd. Syazwan Ruslin dari Politeknik Sultan Idris Shah (Anugerah Keusahawanan Graduan Terbaik) dan Norazlan Mohd. Shamsudin dari Politeknik Sultan Salehuddin Abdul Aziz Shah (Anugerah Mentor Keusahawanan Terbaik).

Shamsudin dari Politeknik Sultan Salehuddin Abdul Aziz Shah (Anugerah Mentor Keusahawanan Terbaik).



NIK ALI MAT YUNUS (lapan dari kanan), Mohd. Ismail Abd. Aziz, (tujuh dari kanan) bersama warga Politeknik meraikan penerima Malam Anugerah Usahawan Politeknik Malaysia di Hotel Primula, Kuala Terengganu, malam semalam. - UTUSAN/AZLAN BAHRUM

Muhammad Afiz Abu Samah dari Politeknik Kuala Terengganu pula menggendol Anugerah Usahawan Harapan dan Unit Taufiqillah Islamic Agro Tourism dari Politeknik Sultan Abdul Halim Muadzam Shah (Anugerah Keusahawanan Sosial Terbaik).

Hadiah kepada para pemenang disampaikan oleh Timbalan Ketua Setiausaha (Pembangunan) Kementerian Pendidikan Tinggi, Datuk Nik Ali Mat Yunus.

Yang turut hadir, Ketua Pengarah Pendidikan Politeknik dan Kolej Komuniti, Prof. Datuk Dr. Mohd. Ismail Abd. Aziz dan Timbalan Ketua Pengarah Jabatan Pendidikan Kolej Komuniti, Mohd. Nasir Abdul Ghani.

Juga Pengarah Bahagian Pembangunan Pelajar, Jabatan Pendidikan Politeknik merangkap Pengarah Pusat Keusahawanan Politeknik Malaysia (MPEC), Wan Zulkifli Wan Zakaria dan Pengarah Politeknik Hulu Terengganu, Wan Mohd. Hujjatullah Wan Ghazali.

Dalam majlis itu juga, sembilan politeknik mendapat pengiktirafan mengikut kategori pelajar melebihi 4,000 orang (kategori A), antara 1,000 hingga 3,999 pelajar (kategori B) dan kurang daripada 1,000 pelajar (kategori C) dan kejayaan mereka berlandaskan pelbagai bidang keusahawanan yang diceburi.

Kategori A, tempat pertama dimenangi Politeknik Sultan Azlan

Shah sekali gus menerima dana pembangunan keusahawanan RM30,000, diikuti Politeknik Kota Bharu (kedua) yang menerima RM20,000 dan Politeknik Sultan Salehuddin Abdul Aziz Shah (ketiga) bersama RM10,000.

Bagi kategori B, Johan ialah Politeknik Sultan Abdul Halim Muadzam Shah yang mendapat RM20,000 disusuli Politeknik Nilai (RM10,000) dan tempat ketiga menjadi milik Politeknik Mersing (RM5,000).

Juara kategori C pula disandang oleh Politeknik Banting yang menerima RM15,000 diikuti Politeknik Metro Johor Bahru (RM10,000) dan Politeknik Jeli (RM5,000).

Pa

PASIR
jung
sini, r
tempa
kemu
lebih
bagi k
Se
Rahir
takat
tandi
masi
untu

dar
gun
unt
ke t

ny
dig
ter
me
tai
ka
Te

it
ju
c